



Број/Број: 01/4-50-1-4-26/08
Сарајево/Sarajevo, 24.6.2008. godine

Z A P I S N I K

26. sjednice Komisije za finansije i budžet Predstavničkog doma Parlamentarne skupštine BiH,

održane 20.6.2008., u vremenu od 10 do 11 sati

Sjednici Komisije prisustvovali su članovi: Sadik Bahtić, Velimir Jukić, Drago Kalabić, Salko Sokolović i Bajazit Jašarević.

Sjednici nisu prisustvovali: Zlatko Lagumdžija, Lazar Prodanović, Adem Huskić i Savo Erić.

Sjednici su također prisustvovali: Igor Bunić, savjetnik zamjenika predsjedavajućeg Predstavničkog doma Milorada Živkovića, Željko Kosmajac, sekretar, i Muhameda Abaz, stručni saradnik pri Komisiji.

Sjednicom je predsjedavao Sadik Bahtić, predsjedavajući Komisije.

Za sjednicu je predložen sljedeći

DNEVNI RED

1. Usvajanje zapisnika 24. i 25. sjednice Komisije;
2. Razmatranje Prijedloga zakona o izmjenama i dopunama Zakona o finansiranju političkih stranaka – druga komisijska faza (predlagači: članovi Interresorne radne grupe);
3. Razmatranje Prijedloga zakona o izmjenama i dopunama Zakona o porezu na dodatu vrijednost – prva komisijska faza (predlagač: poslanik Momčilo Novaković);
4. Tekuća pitanja.

Predsjedavajući Komisije obavijestio je članove o dopisu Kolegija Doma u kojem je poslanicima Momčilu Novakoviću i Branku Dokiću, kao predlagačima dva različita zakona o izmjenama i dopunama Zakona o porezu na dodatu vrijednost, ostavljen rok od sedam dana za usaglašavanje njihovih prijedloga i upućivanje jednog prijedloga zakona u zakonodavnu proceduru. U vezi s tim predložio je skidanje tačke 3. s dnevnog reda 26. sjednice Komisije, što su jednoglasno prihvatili članovi Komisije. Nakon izmjene dnevnog reda, jednoglasno je usvojen sljedeći dnevni red:

1. Usvajanje zapisnika 24. i 25. sjednice Komisije;
2. Razmatranje Prijedloga zakona o izmjenama i dopunama Zakona o finansiranju političkih stranaka – druga komisijska faza (predlagač: članovi Interresorne radne grupe);
3. Tekuća pitanja.

Ad.1. Usvajanje zapisnika 24. i 25. sjednice Komisije

Zapisnike 24. i 25. sjednice članovi Komisije usvojili su jednoglasno, bez primjedbi.

Ad.2. Razmatranje Prijedloga zakona o izmjenama i dopunama Zakona o finansiranju političkih stranaka – druga komisijska faza (predlagač: članovi Interresorne radne grupe)

Razmatranje Prijedloga zakona u drugoj komisijskoj fazi

U uvodu za ovu tačku dnevnog reda **predsjedavajući Komisije** naveo je da su na Prijedlog zakona u amandmanskoj fazi pet amandmana uložili: Klub poslanika SDS-a (tri amandmana) i Klub poslanika SNSD-a (dva amandmana). Konstatirao je da predlagači zakona nisu prisutni, te otvorio raspravu o Prijedlogu zakona.

Bajazit Jašarević naveo je da se Interresorna radna grupa, čiji su članovi predlagači zakona, sastojala od predstavnika svih političkih stranaka želeći ukazati time na postignuti kompromis o rješenjima sadržanim u Prijedlogu zakona. S obzirom na tu činjenicu, predložio je odbijanje podnesenih amandmana, o kojima bi konačnu odluku trebalo da donese Interresorna radna grupa. Predsjedavajući Komisije saglasio se s predloženim.

U raspravi je naveo da problem u finansiranju političkih stranaka predstavljaju pojedinci-finansijeri, koji u tome vide realizaciju vlastitih interesa. Složio se sa iznesenim stavom o niskom iznosu sredstava za rad klubova, te je mišljenja da bi se povećanjem budžetske stavke za finansiranje političkih stranaka smanjile zloupotrebe pri finansiranju. Prihvatanjem amandmana narušio bi se stav stranke zauzet u radu Interresorne radne grupe.

Drago Kalabić obrazložio je amandmane SNSD-a. Naveo je da posebno insistira na usvajanju Amandmana II., kojim se ukida predloženo rješenje o raspodjeli budžetskih sredstava pri finansiranju političkih stranaka i klubova u Parlamentarnoj skupštini BiH.. Naveo je da su sredstva za rad klubova političkih stranaka mala, te da klubovi, osim tehničkih sekretara, nemaju drugih zaposelnih, iskazujući time zabrinutost zbog nadolazeće potrebe donošenja većeg broja propisa.

U raspravi je naveo da predstavnici SNSD-a u radu Interresorne radne grupe nisu insistirali na prijedlozima iz amandmana, za koja misli da uopće ne bi bila sporna. Usvajanjem amandmana kojim se zagovara neograničen godišnji iznos priloga fizičkih ili pravnih lica za finansiranje političkih stranaka otvorila bi se mogućnost većeg finansiranja političkih stranaka od pojedinaca. Predložio je usvajanje amandmana SNSD-a na ovoj sjednici, koje bi trebalo da podrže i ostali poslanici, a ako ne bude tako, uvijek se može djelovati protuamandmanski.

Velimir Jukić naveo je da je budžetska stavka za finansiranje političkih stranaka u BiH za 2008. iznosi oko 455.000 KM, što je pet puta veći iznos u odnosu na prethodnu godinu. Ta izdvajanja su minimalna u poređenju s praksom drugih evropskih zemalja, npr. u Austriji za finansiranje političkih stranaka iz budžeta se svake godine izdvoji oko 55 miliona eura. Istakao je da budžetski iznos za finansiranje političkih stranaka treba da bude što veći, jer je javan i transparentan. Predlagač zakona trebalo bi da svoje mišljenje o amandmanskom prijedlogu koji zagovara drugačiji način raspodjele sredstava klubova poslanika. Naveo je da je predloženo rješenje o maksimalnom iznosu sredstava za finansiranje političke stranke od fizičkog lica u iznosu od 15 ličnih dohodaka godišnje priristriktivno rješenje.

Na kraju je naveo da, u ime Kluba poslanika HDZBiH, podržava usaglašena rješenja Interresorne radne grupe, sadržana u Prijedlogu zakona.

Salko Sokolović naveo je da su u Interresornoj radnoj grupi, čiji su članovi predlagači zakona, bile zastupljene sve političke stranke, te da je o svim pitanjima postignut kompromis. Predložio je da se uloženi amandmani dostave Interresornoj radnoj grupi radi zauzimanja stava.

Predsjedavajući je intervenirao na dati prijedlog, navodeći da je neophodno na ovoj sjednici zauzeti stav, zbog kratkog vremena za podnošenje izvještaja Domu o Prijedlogu zakona.

Nakon kraće rasprave, **predsjedavajući Komisije** predložio je da se o podnesenim amandmanima zauzme stav na današnjoj sjednici, pa se pristupilo glasanju o amandmanima:

Amandmani Kluba poslanika SDS-a - 3 amandmana

- Amandmani I. i II. Kluba poslanika SDS-a jednoglasno su odbijeni.

- Amandman III. Kluba poslanika SDS-a, s jednim „suzdržanim“ i četiri glasa „protiv“, nije usvojen.

Amandmani Kluba poslanika SNSD – 2 amandmana

- Amandmani I. i II. Kluba poslanika SNSD-a, s jednim glasom „za“ i četiri glasa „protiv“, nisu usvojeni.

Glasanje o Prijedlogu zakona u cjelini

Nakon izjašnjavanja o amandmanima, Komisija je Prijedlog zakona o izmjenama i dopunama Zakona o finansiranju političkih stranaka, bez usvojenih amandmana, s četiri glasa „za“ i jednim „suzdržanim“ glasom, usvojila u drugoj komisijskoj fazi, te uputila u daljnju parlamentarnu proceduru.

Ad.3. Tekuća pitanja

U okviru ove tačke dnevnog reda **sekretar Komisije** obavijestio je članove o sljedećem:

- Informirao je članove Komisije o saradnji sa DFID timom u okviru nadzora nad realizacijom preporuka i zaključaka iz prethodnih revizorskih izvještaja svih institucija BiH, te pristiglom materijalu koji predstavlja rezime revizorskih izvještaja o finansijskom poslovanju svake institucije BiH u periodu od 2003. do 2006. godine. Zbog obimnosti materijala, dogovoreno je da se za sve članove Komisije pripreme CD-ovi, koji sadržavaju cjelokupan materijal, a da se tabele sa skraćenim prikazom realizacije preporuka i zaključaka revizije za svaku instituciju izdvoje i umnože u tvrdj kopiji, a sve s ciljem kontinuiranog praćenja realizacije revizorskih preporuka.
- Informirao je da je rukovodstvo Komisije predlagalo da se u proceduru izmjena i dopuna Poslovnika Doma uključi i DFID tim u dijelu odredbi koje se odnose na donošenje i izvršenje budžeta. Obavljen je razgovor s predstavnicima DFID tima, koji su zbog objektivnih razloga spriječeni da učestvuju u tom procesu.
- Obavijestio je članove da je Parlamentarna skupština BiH počela zaprimati revizorske izvještaje za 2007. godinu.

U okviru ove tačke **predsjedavajući je** konstatirao da bi uskoro trebalo da bude održana planirana tematska sjednica Komisije o realizaciji preporuka i zaključaka po revizorskim izvještajima za 2006. godinu, koje su usvojili Komisija i Dom.

Sekretar Komisije
Željko Kosmajac

Predsjedavajući Komisije
mr. ecc.sc. Sadik Bahtić